



Inatsisartunut Ilaasortaq Mala Høy Kúko, Siumut

## **Asbest pillugu § 37 naapertorlugu apeqquteqaammut 2022-189-imut akissut**

21-10-2022  
Suliaq nr.: 2022 - 20237  
Id. nr. 81102908

Asasara Mala Høy Kúko

Inatsisartut suleriaasianni § 37 naapertorlugu illuni, pisortallu suliffeqarfiutaanni asbest pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### **Apeqqut 1. Kalaallit nunatsinni innuttaasut asbestimik akulinnik nammineq illuutigisaqartut najugarisarfigineqartut suli napasut qassiunersut naalakkersuisut paasissutigisinnaanerpaat?**

Akissut: Innuttaasut asbestimik akulinni najugaqartut qanoq amerlatiginerinut eqqoriaanissaminnut Naalakkersuisut periarfissaqanngillat.

Tassunga tunngatillugu paasissutissiissutigisinnaavara allagaataasivimmit titartakkat 2008-mi misissuiffigineqarnikummata, illullu napparneqaramik asbesteqarnerisut tamakkiisuunngikkaluartumik taakkunani takuneqarsinnaalluni. Piffissami tassani Namminersornerullutik Oqartussat illuutaat kisimik misissuiffigineqarnerat, [www.byginfo.gl](http://www.byginfo.gl)-imi atuarneqarsinnaavoq. Taassumap saniatigut illuni asbestinik atuisimaneq pillugu tamakkiisumik takussutissaqanngilaq.

Paasissutissat taamak ittut assersuutigalugu, massakut piareersarneqartumi nuna tamakkerlugu illuutit inissiallu nalunaarsuiffiannut ilannguneqarsinnaapput. Qanga sanaartornermi pilersaarutit pigineqarsimasariaqartut misissuiffigineqartussaassammata, paasissutissanik nalunaarsuiffimmut ikkussuinissaq piffissamik annertuumik atuiffiussaaq. Tamatuma saniatigut allagaataasivimmi allattugaatinik misissuisoqarnissaanut, paasissutissanillu ikkussuinissamut aningaasanik immikkoortitsisoqartariaqarpoq. Illut sanaartorneqaaqaarnerinit atortut ilaat taarsorneqarsimassammata, illut pillugit paasissutissat tamakkiisuunnginnissaat, kukkuneqarnissaallu naatsorsuutigineqartariaqarpoq.

### **Apeqqut 1.a. Aamma kalaallit nunaanni sumi illoqarfimmi nunaqarfinniluunniit inisisimnersut paasissutigisinnaanerpaat?**

Akissut: Nuna tamakkerlugu illut nutaanngitsut pineqartut nalinginnaasumik ilimagineqartariaqarpoq. Apeqqut 1-imut akissut aamma takuuk.

### **Apeqqut 2. Kalaallit nunatsinni asbestinik inissianik akoqartoqarsimappat naalakkersuisut paasissutigisinnaanerpaat?**

Akissut: Asbesti pillugu siornatigut nassuiaatit naapertorlugit, illut iluinut atortut asbestitalit maani nunatsinni 1976-p missaani atornerussimasut ilisimaneqarpoq.

Taamaattumik inissiarsuarni nutaannginnerusuni asbestitalinnik atortoqarsimassasut naatsorsuutigineqartariaqarpoq. Tamatuma saniatigut ukiut tulliuttut ingerlanerini atortut taakkua atorneqarunnaavissimmata paasissutissiissutigisinnaavara.

**Apeqqu 2.a. Aamma kalaallit nunaanni sumi illoqarfimmi nunaqarfinniluunniit inisisimansut paasissutigisinnaanerpaat?**

Akissut: Inoqarfiit 1976-80 sioqqullugu inissiarsualiorfigineqarsimasut tamarmik nalinginnaasumik pineqarput. Apeqqu 1-imut akissut aamma takuuk.

**Apeqqu 3. Aallaffeqarfiit inunnit suliffittut atorneqartut asbestinik akoqartunik suliarineqarsimasut naalackersuisut paasissutigisinnaanerpaat?**

Akissut: Inissiarsuit 1976-80 sioqqullugu sanaartorneqarsimasut assigalugit, illut inuussutissarsiorfiit asbestitalinnik atortoqarsinnaapput. Atortut asbestitalit illut inuussutissarsiorfusut inaasa "masattuleriffiit" iigaannut, inillu ikualattoqaratarsinnaanera pillugu immikkut piumasqaateqarfusut iigaannut qilaavinullu nalinginnaasumik atorneqartarput.

**Apeqqu 3.a. Aamma kalaallit nunaanni sumi illoqarfimmi nunaqarfinniluunniit inisisimansut paasissutigisinnaanerpaat?**

Akissut: Apeqqu 1-imut akissut aamma takuuk.

**Apeqqu 4. Taamatut asbestinik najugaqarfeqartoqarsimappat imaluunniit suliffeqartoqarsimappat naalackersuisut qanoq pilersaaruteqarpat tamakkut iliuseqarfigineqarnissaat pillugu?**

Akissut: Nuna tamakkerlugu illuni nutaanngitsuni asbestiaanissaminnik Naalackersuisut massakkut pilersaaruteqanngillat.


Asbestip fiberii atortunut aalajangerneqarsimatillugit, taamaalillunilu najuunneqarsinnaatinnagit ulorianartut nalinginnaasumik isigineqanngillat. Taamaattumik atortuni asbestitalinni asbestip fiberiisa siaruarsinnaanerat annikitsuararsuugaangat, atortut piarneqassanngitsut nalinginnaasumik innersuussutigineqartarpoq. Atortut asbestitalit sequtserlugit piarneqarunik, peerneqarnerminniluunniit nakkaalatitsisoqassappat fibererpassuit siaruanneqaratarsinnaapput.

Asbesteqarnissaanik pasitsaassaarluni illumik nutaannginnerusumik pigisaqaraanni, illup sananeqarnerani nassuiaatit titartakkallu misissornerisigut atortut asbestitalit suatungaani, qanorlu annertutigisut atorneqarsimansut nalinginnaasumik takuneqarsinnaasarpoq. Kommunimi illuutitut oqartussaasoq illut pineqartut titartagaannik pigisaqanngippat, illut nutaanngitsut pillugit nassuiaatinik titartakkanillu pissarsinissamut Nunatta Katersugaasivia Allagaateqarfianilu "Sanaartornermi titartagaateqarfik" ikiuussinnaassaaq.

Namminersorlutik Oqartussat kommunillu inissiaataanni attartortittakkanni attartortut attartugartik asbesteqarnerseq paaserusussagunikku, attartortitsisumut saaffiginnissuteqarsinnaapput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Erik Jensen